

Broj: 01-1-3-577-1/21

1.

Datum: 09.06.2021. godine

ZAPISNIK

Sa 39. redovne sjednice Školskog odbora, održane dana 09.06.2021. godine u 13:00 sati putem e-maila.

Prisutni članovi: Džanela Malkić – predstavnik Ministarstva, Senada Crnković – predstavnik radnika, Nusret Aganović – predstavnik Općine Novo Sarajevo, Adis Pašić predstavnik roditelja/staratelja.

Ostali prisutni: Nermina Planinčić, direktorica škole, Drkić Azra – sekretarka škole i Đonlić Azra sekretarka škole po Projektu Zavoda za zapošljavanje Kantona Sarajevo.

Sekretarka škole je dostavila članovima Školskog odbora materijal za sjednicu, pravovremeno, elektronskim putem.

Članovi Školskog odbora su se izjasnili da prihvataju sljedeći

DNEVNI RED:

1. Usvajanje zapisnika sa tridesetosme (38.) redovne sjednice Školskog odbora;
2. Razmatranje i usvajanje Izvještaja o uspjehu i vladanju učenika za I i IX razrede na kraju nastavne 2020/2021. godine (II polugodište);
3. Razmatranje i donošenje Odluke o neplaćenom odsustvu za radnicu Edisu Tanjo Hodo; po podnešenom zahtjevu
4. Tekuća pitanja

Dnevi red se usvaja jednoglasno.

AD- 1 Usvajanje zapisnika sa tridesetosme (38.) redovne sjednice Školskog odbora;

Članovi Školskog odbora izjavljuju da nemaju primjedbi, sugestija i dopuna na Zapisnik sa 38. redovne sjednice Školskog odbora.

Nakon glasanja konstatuje se da je zapisnik sa 38. redovne sjednice Školskog odbora jednoglasno usvojen od strane svih članova Školskog odbora.

AD-2 Razmatranje i usvajanje Izvještaja o uspjehu i vladanju učenika za I i IX razrede na kraju nastavne 2020/2021. godine (II polugodište)

U sklopu analize dnevnog reda pod tačkom 2. Adis Pašić predstavnik roditelja/ staratelja je zamolio pojašnjenje za tabelarni pregled općeg znanja, iz razloga što školska godina još traje i sa upitom da li se usvaja samo struktura tabele.

Shodno postavljenom upitu od imenovanog člana Školskog odbora direktorica škola iznosi pojašnjenje za tačku 2: tabele su iz Emis sistema koji je uvezan sa eDnevnikom. Nakon zaključivanja ocjena u eDnevniku, i ostalih aktivnosti razrednika, izvrši se transfer podataka u

2.

školski Emis web sistem, a koji podatke iz eDnevnika ubacuje u zbirne Tabele općeg uspjeha u Emis, koje su članovi Školskog odbora dobili, u ovom slučaju samo za devete i prve.

Nastava je za učenike devetog i prvog razreda završena u petak, 04.06.2021. godine.

Učenicima devetog razreda 11.06.2021. godine, petak, počinje upisni rok u srednju školu. Potrebno je da se konačni uspjeh potvrdi na Nastavničkom vijeću, kao i na Školskom odboru kako bi se Uvjerjenja printala i podijelila učenicima u četvrtak, 10.06.2021. godine.

IX RAZREDI

Svi učenici su uspješno završili devete razrede sa srednjom ocjenom 4.69.

Ukupni broj učenika u tri deveta je 70.

Odličan uspjeh - 51 učenik ili 72,86 %

Vrlodobar uspjeh - 16 učenika ili 22,86 %

Dobar uspjeh - 3 učenika ili 4.29 %

Nema neocijenjenih, niti učenika sa negativnim ocjenama.

I RAZREDI

Učenici prvih razreda se ocjenjuju opisno i nemaju ocjenu iz vladanja. Njihov uspjeh je potrebno analizirati i usvojiti kako bi se njihove opisne ocjene mogle upisati u Matičnu knjigu, tek nakon verifikacija na stručnim sastancima (Odjeljsko vijeće je bilo 07.06.2021. godine za I i IX, a Nastavničko vijeće 08.06.2021. godine u 8.00 h).

Nakon prihvatanja izvještaja o općem uspjehu učenika od strane Nastavničkog vijeća i Školskog odbora mogu se štampati i dijeliti Uvjerjenja o završenom razredu.

Po završetku nastavne godine za učenike od II do VIII razreda - petak, 11.06.2021. godine, ista je procedura.

Izvještaj za kraj školske 2020/21.godine usvajamo u augustu, zbog mogućih popravnih ispita.

Prema izvještaju razrednika na održanom Odjeljskom vijeću, nije bilo većih problema u devetim razredima koji su nam trenutno najhitniji zbog upisnog roka u srednju školu i prateće dokumentacije koja je potrebna od strane osnovne škole.

Direktorica je istakla da za sve eventualne nejasnoće stoji na raspolaganju i da članovima Školskog odbora svako dobro želi.

Adis Pašić predstavnik roditelja/ staratelja se zahvalio na obrazloženju direktorice, te je saglasan za predloženi dnevni red i za usvajanje svih tačaka dnevnog reda.

Predsjednica Školskog odbora daje na usvajanje Izvještaj o uspjehu i vladanju učenika za I i IX razrede na kraju nastavne 2020/2021. godine (II polugodište)

3.

Izvještaj o uspjehu i vladanju učenika za I i IX razrede na kraju nastavne 2020/2021. godine (II polugodište) je jednoglasno usvojen od strane članova Školskog odbora.

Na osnovu člana 103. Pravila škole, a nakon razmatranja izvještaja o uspjehu i vladanju učenika za I i IX razrede na kraju nastavne 2020/2021. godine (II polugodište), Školski odbor je na na tridesetdevetoj redovnoj sjednici održanoj 09.06.2021. godine donio sljedeću:

ODLUKU

Član 1.

Usvaja se Izvještaj o uspjehu i vladanju učenika za I i IX razrede na kraju nastavne 2020/2021. godine (II polugodište).

Član 2.

Nastavni plan i program, predviđen za nastavnu 2020/2021. godinu je u potpunosti realizovan sa potrebnim fondom nastavnih sati.

Član 3.

Sve nastavne i vannastavne aktivnosti predviđene Godišnjim programom rada škole su i ostvarene.

Član 4.

Odluka stupa na snagu danom donošenja.

O b r a z l o ž e n j e

Nakon razmatranja Izvještaja o uspjehu i vladanju učenika za I i IX razrede na kraju nastavne 2020/2021. godine (II polugodište), ustanovljeno je da je ostvaren nastavni plan i program sa potrebnim brojem nastavnih sati. Sve nastavne i vannastavne aktivnosti predviđene Godišnjim programom rada škole za nastavnu 2020/2021 godinu su i ostvarene.

Na osnovu obrazloženog odlučeno je kao u dispozitivu odluke.

AD-3 Razmatranje i donošenje Odluke o neplaćenom odsustvu za radnicu Edisu Tanjo Hodo; po podnešenom zahtjevu

Nakon razmotrenog zahtjeva radnice Edise Tanjo Hodo, Predjednica je saglasna za donošenje odluke o neplaćenom odsustvu radi spajanja porodice, u trajanju najduže do jedne godine počev od 23.08.2021. godine. Pravo na neplaćeno odsustvo propisano je članom 54. Zakona o radu, te članom 124. Kolektivnog ugovora.

Svi članovi Školskog odbora su saglasni za donošenje odluke o neplaćenom odsustvu za imenovanu radnicu.

Na osnovu člana 54. Zakona o radu („Službene novine FBiH“ broj: 26/16, 89/18), člana 124. stav (1) tačka e) i stav (6) Kolektivnog ugovora za djelatnosti predškolskog odgoja i osnovnog

4.

odgoja i obrazovanja u Kantonu Sarajevu („Službene novine Kantona Sarajevo“ broj: 36/20, 49/20), molbe radnice Edise Tanjo-Hodo za odobrenje neplaćenog odsustva od 03.06.2021. godine, Školski odbor JU Osnovne škole "Hrasno" Sarajevo na 39. redovnoj sjednici održanoj 09.06.2021. godine, donio je

ODLUKU o neplaćenom odsustvu

I

Radnici Edisi Tanjo-Hodo nastavnici engleskog jezika i književnosti odobrava se neplaćeno odsustvo u trajanju najduže do jedne godine.

II

S korištenjem neplaćenog odsustva imenovana radnica započet će dana 23.08.2021. godine.

III

Edisa Tanjo Hodo obavezna je vratiti se na posao 23.08.2022. godine.

IV

Za vrijeme neplaćenog odsustva prava i obaveze radnice koji se stiču na radu i po osnovu rada miruju.

Obrazloženje

Radnica Edisa Tanjo-Hodo podnijela je molbu Školskom odboru za neplaćeno odsustvo zbog spajanja porodice, počev od 23.08.2021. godine u trajanju od maksimalno 12 mjeseci.

Pravo na neplaćeno odsustvo propisano je članom 54. Zakona o radu te članom 124. Kolektivnog ugovora.

Na osnovu molbe imenovane radnice, a u skladu sa članom 54. Zakona o radu te članom 124. stav (1) tačka e) i stava (6) Kolektivnog ugovora odlučeno je kao u izreci.

Radnica je obavezna vratiti se na posao dana 23.08.2022. godine, u suprotnom bit će joj otkazan ugovor o radu.

Pouka o pravnom lijeku: Protiv ove odluke može se uložiti pismeni prigovor Školskom odboru, u roku 15 dana od dana dostavljanja ove odluke.

AD-4- Tekuća pitanja

Pod tačkom tekućih pitanja nije bilo razmatranja.

Zapisničar

Sekretarka škole

Azra Drkić

Predsjednica Školskog odbora

Džanela Malkić, prof

ZAKLJUČCI

sa 39. redovne sjednice Školskog odbora održane 09.06.2021. godine u 13:00 sati putem e-maila.

1. Članovi Školskog odbora izjavljuju da nemaju primjedbi na zapisnik sa 38. redovne sjednice, te se isti jednoglasno usvaja.
2. Školski odbor jednoglasno donosi Odluku o usvajanju Izvještaja o uspjehu i vladanju učenika za I i IX razrede na kraju nastavne 2020/2021. godine (II polugodište).
3. Školski odbor jednoglasno donosi Odluku o neplaćenom odsustvu Radnici Edisi Tanjo-Hodo nastavnici engleskog jezika i književnosti u trajanju najduže do jedne godine. S korištenjem neplaćenog odsustva imenovana radnica započet će dana 23.08.2021. godine.

Zapisničar

Sekretarka škole

Azra Drkić

Predsjednica Školskog odbora

Džanela Malkić, prof.